

CONVENIO DE COLABORACIÓN ENTRE A DEPUTACIÓN PROVINCIAL E A MANCOMUNIDADE DO SALNÉS PARA A EXECUCIÓN DAS “OBRAS DE REFORMA DE OFICINAS E ESPAZOS FORMATIVOS DO CENTRO LOXÍSTICO MULTISERVIZOS DA MANCOMUNIDADE DO SALNÉS. INFRAESTRUTURA ESTRATÉXICA COMARCAL PARA A TRANSFORMACIÓN VERDE, DIXITAL E SOCIAL DO TERRITORIO”

DOCUMENTO ASINADO ELECTRONICAMENTE POR:



CONVENIO DE COLABORACIÓN ENTRE A DEPUTACIÓN PROVINCIAL E A MANCOMUNIDADE DO SALNÉS PARA A EXECUCIÓN DAS “OBRAS DE REFORMA DE OFICINAS E ESPAZOS FORMATIVOS DO CENTRO LOXÍSTICO MULTISERVIZOS DA MANCOMUNIDADE DO SALNÉS. INFRAESTRUTURA ESTRATÉXICA COMARCAL PARA A TRANSFORMACIÓN VERDE, DIXITAL E SOCIAL DO TERRITORIO”

En Pontevedra, na data da sinatura electrónica

INTERVEÑEN

Dunha parte, don Luis López Diéguez, quen actúa no nome e representación da Deputación Provincial de Pontevedra, en virtude do seu cargo como presidente deste organismo e en función das atribucións que lle confiren o artigo 34 da Lei 7/1985, do 2 de abril, reguladora das bases do réxime local (LRBRL), e o artigo 105 da Lei 5/1997, do 22 de xullo, de administración local de Galicia (LALGA).

Doutra parte, don David José Castro Mougán, quen actúa no nome e na representación da Mancomunidad do Salnés, na súa condición de presidente da citada entidade local, en virtude das competencias que, para vincularse neste acto, se lle confiren no artigo 5 dos Estatutos da Mancomunidad do Salnés, na Lei 7/1985, do 2 de abril, reguladora das bases de réxime local, e na Lei 5/1997 do 22 de xullo, de administración local de Galicia.

E actuando dona María Beatriz del Cerro del Río, en calidade de secretaria da Deputación Provincial de Pontevedra, e dona Dolores Franco Mateo en calidade de secretaria da Mancomunidad do Salnés, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, de común acordo,

EXPOÑEN

I. Que o artigo 36.1.d) da LRBRL, atribúe ás deputacións competencia en materia de cooperación no fomento do desenvolvemento económico e social, de acordo coas competencias das demais administracións públicas neste ámbito. Así mesmo, o artigo 109.1.b) da Lei 5/1997, do 22 de xullo, de administración local de Galicia (LALGA), atribúe como competencia propia a prestación da asistencia e cooperación xurídica, económica e técnica aos municipios. A estes efectos, segundo o artigo 114.c) da mesma lei, a asistencia económica poderá revestir a forma de subvencións.

II. Que, de conformidade co previsto no artigo 135 da LALGA, os concellos de Galicia terán dereito a asociarse en mancomunidades para a execución ou prestación, en común, de obras, servizos e actividades da súa competencia.

Que a Mancomunidad do Salnés é unha administración pública de carácter local integrada polos concellos de Cambados, O Grove, A Illa de Arousa, Meaño, Meis, Ribadumia, Sanxenxo,



Vilagarcía de Arousa e Vilanova de Arousa. Constituída no ano 1986 por tres destes concellos, pouco a pouco incrementou competencias e ámbito de actuación ata a integración dos nove concellos que a compoñen na actualidade.

Que no artigo 13 dos Estatutos da Mancomunidad do Salnés, establécense os fins da mesma, entre outros: “Estudo, informe, execución das obras de infraestrutura e equipamentos, cando afecten máis dun concello, e teñan lugar dentro dos municipios abranguidos pola Mancomunidad”.

III. Que a Deputación e a Mancomunidad do Salnés comparten como criterio que os concellos, como administracións democraticamente escollidas, deben ser os axentes protagonistas nos eidos administrativos aos que ten que corresponder a decisión, o deseño e o impulso da acción local e do desenvolvemento das políticas locais; ao tempo que as deputacións deben actuar como institucións que desenvolvan políticas, plans e actuacións que faciliten que concellos e cidadanía poidan acadar os mesmos dereitos e servizos.

IV. Que ambas administracións locais, en virtude dos principios de cooperación e colaboración recollidos na Lei 40/2015, de 1 de outubro, de réxime xurídico do sector público, teñen como obxectivo común prestar os servizos públicos e cooperar na planificación e execución de proxectos sobre infraestruturas que melloren os servizos á veciñanza.

V. Que o artigo 25 da Lei 7/1985, de 2 de abril, reguladora das bases do réxime local e, en termos concordantes, o artigo 80 da Lei 5/1997, do 22 de xullo, de administración local de Galicia establecen que os municipios, para a xestión dos seus intereses e no ámbito das súas competencias, poden promover actividades e prestar os servizos públicos que contribúan a satisfacer as necesidades e aspiracións da comunidade veciñal, exercendo, en todo caso, nos termos da lexislación do Estado e das Comunidades Autónomas, competencia en materia de infraestruturas e equipamentos de titularidade municipal.

VI. Que o artigo 147 da Lei 5/1997, do 22 de xullo, de Administración Local de Galicia atribúe as mancomunidades de municipios competencia, no que ao presente convenio importa, na execución de obras e prestación parcial ou integral de servizos do seu interese.

VII. Que os convenios entre Administracións Públicas constitúen o instrumento axeitado para desenvolver a súa cooperación en cuestións de interese común, tal como establecen os artigos 47 e seguintes da Lei 40/2015, de 1 de outubro, de réxime xurídico do sector público (LRXSP); o artigo 57 da Lei 7/1985, de 2 de abril, reguladora das bases do réxime local (LRBRL) e 198 e seguintes da Lei 5/1997, de 22 de xullo, de Administración local de Galicia (LALGA); así como no disposto nos artigos 28.1 da Lei 38/2003, de 17 de novembro, xeral de subvencións (LXS), e 26.1 da Lei 9/2007, de 13 de xuño, de subvencións de Galicia (LSG).

VIII. Que a lexislación vixente en materia de réxime local encomenda ás Deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto e co fin de posibilitar a consecución real e efectiva dos mesmos, é polo que instrumenta este convenio dirixido ao cumprimento das obrigas impostas pola normativa vixente.

XI. Que a achega económica da Deputación de Pontevedra ten o carácter dunha subvención, en virtude do disposto no artigo 2 da Lei 38/2003, de 17 de novembro, xeral de subvencións, séndolle de aplicación o réxime xurídico das subvencións. Neste senso, á vista do artigo 22.2



da LXS acredítanse na memoria do expediente razóns de interese público, social e económico suficientes que xustifican a súa concesión, tanto de natureza competencial como pola necesidade de apoiar e complementar a capacidade económica da mancomunidad e polo interese veciñal da actuación. Así mesmo, no artigo 28.1 da LXS establécese que a resolución de concesión e, no seu caso, os convenios a través dos cales se canalicen estas subvencións establecerán as condicións e compromisos aplicables de conformidade co disposto nesta lei.

XII. Este convenio tramítase consonte co disposto no artigo 294 LALGA e conforme coa normativa reguladora das subvencións públicas, polo que o convenio non ten carácter contractual, estando excluído do ámbito de aplicación da Lei de contratos do sector público segundo determina o artigo 4 desta norma.

XIII. Que a Deputación Provincial de Pontevedra, nos orzamentos do ano 2026, recolle unha aplicación orzamentaria que ten como beneficiaria á Mancomunidad de Salnés.

XIV. Que, de acordo coas precedentes consideracións e en desenvolvemento dos principios de colaboración e cooperación, a Deputación de Pontevedra e a Mancomunidad de Salnés establecen como un dos seus obxectivos estratéxicos a actuación coordinada na execución de obras e prestación parcial ou integral de servizos do seu interese e acordan aprobar o presente convenio de colaboración, que asinan os aquí comparecentes, con arranxo ás seguintes

CLÁUSULAS

PRIMEIRA.- OBXECTO DO CONVENIO

O obxecto do presente convenio é o de establecer as bases para a colaboración económica e técnica entre a Deputación Provincial de Pontevedra e a Mancomunidad de Salnés para levar a cabo a execución das OBRAS DE REFORMA DE OFICINAS E ESPAZOS FORMATIVOS DO CENTRO LOXÍSTICO MULTISERVIZOS DA MANCOMUNIDADE DO SALNÉS. INFRAESTRUTURA ESTRATÉXICA COMARCAL PARA A TRANSFORMACIÓN VERDE, DIXITAL E SOCIAL DO TERRITORIO.

SEGUNDA.- IMPORTE E FINANCIAMENTO

O investimento obxecto do presente convenio ascende a cantidade total de TRESCENTOS TRES MIL CENTO CINCO EUROS (303.105,00€), IVE engadido, que se corresponde co orzamento de execución das obras correspondentes á actuación denominada “Obras de reforma de oficinas e espazos formativos do Centro Loxístico Multiservizos da Mancomunidad de Salnés. Infraestrutura estratéxica comarcal para a transformación verde, dixital e social do territorio”, incluída no proxecto aprobado por Decreto número: 2026-0290 de data 30/06/2026, e que será financiado pola Deputación de Pontevedra coa cantidade de DOUSCENTOS CINCUENTA MIL EUROS con cargo ao exercicio 2026, contra a aplicación 2026/942.9420.763.00 e pola Mancomunidad de Salnés coa cantidade de CINCUENTA E TRES MIL CENTO CINCO EUROS (53.105,00€).

O financiamento necesario para a realización da actuación comprendida neste convenio realizarase da seguinte forma:



	2026
Deputación de Pontevedra (82,48%)	250.000,00 €
Mancomunidad do Salnés (17,52%)	53.105,00 €
Total actuación	303.105,00 €

A achega provincial consiste nunha contía máxima que ascende ao importe sinalado anteriormente, polo que os posibles incrementos que puidesen producirse no orzamento de execución das obras desta actuación que deriven do procedemento de contratación administrativa ou da execución do contrato, así como das súas posibles modificacións, asumiranse exclusivamente pola Mancomunidad do Salnés.

No caso de que o investimento realizado teña un custo inferior ao inicialmente previsto e sempre que isto non supoña unha execución deficiente da totalidade da actuación contemplada no proxecto, a contía da subvención reducirase proporcionalmente, manténdose constante a porcentaxe de axuda respecto ao custo total do investimento.

TERCEIRA.- EXECUCIÓN DO CONVENIO

1.- A execución das actuacións e contratos ás que se refire o presente convenio, e o seu financiamento polas partes asinantes, terá lugar durante os anos de vixencia do convenio de acordo coas obrigas de financiamento indicadas na cláusula segunda.

2.- As obras serán executadas segundo o proxecto técnico, sen prexuízo da posibilidade de que a Deputación realice as inspeccións que considere convenientes e formule as observacións que estime pertinentes e de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan.

3.- Formalizado, de selo caso, o contrato, ou contratos, de servizos para a contratación de asistencia técnica á dirección das obras e a Coordinación de Seguridade e Saúde, remitirase copia dos mesmos á Deputación Provincial.

4.- A Mancomunidad do Salnés comunicará á Deputación Provincial a realización de todos os actos públicos de relevancia institucional ou mediática sobre o seguimento da obra, co obxecto de que asista de consideralo procedente un representante da Corporación provincial, en concreto, a Mancomunidad deberá comunicarlle á Deputación os actos oficiais relativos ao inicio, execución e finalización do investimento financiado ao abeiro deste convenio. Para estes efectos:

- A Mancomunidad comunicarlle á Deputación **coa suficiente antelación, polo menos de catro días**, a data e mais a hora na que terá lugar a comprobación da implantación, á que asistirá, de considerarse procedente, a Presidencia ou unha



persoa representante ou facultativa da institución provincial. Así mesmo, a entidade local remitiralle á Deputación un exemplar da acta de comprobación da implantación xunto coa fotografía dos carteis de obra que acrediten a difusión dada ao financiamento outorgado pola Deputación. Os carteis de obra serán colocados no momento da sinatura da devandita acta, axustándose ao disposto no manual de identidade corporativa (<https://www.depo.gal/es/identidade-corporativa>).

- Os facultativos técnicos do Servizo de Cooperación poderán visitar as actuacións en execución. Para isto, e para os efectos de organizar a visita, a Mancomunidad comunicaranlle ao citado servizo **coa suficiente antelación, polo menos de catro días**, cando se acade o 50 % e o 100 % de execución do contrato.
- A Mancomunidad comunicarlle á Deputación **coa suficiente antelación, polo menos de catro días**, a data e mais a hora nas que terá lugar, ao remate das obras, o acto de recepción destas, ao que asistirá, de consideralo procedente, a Presidencia ou unha persoa representante ou facultativa desta. A entidade local remitiralle á provincial un exemplar da acta de recepción e certificación da resolución do órgano competente aprobatoria da recepción da obra executada e da certificación final da mesma.
- De ser o caso, a Mancomunidad comunicarlle á Deputación **coa suficiente antelación, polo menos de catro días**, a data e mais a hora nas que se celebre calquera acto público de relevancia institucional ou mediática con motivo do seguimento, difusión, posta en valor ou inauguración da actuación referida, aos que asistirá, de consideralo procedente, a Presidencia ou unha persoa representante da Corporación provincial.

5.- O incumprimento do deber de colocar os carteis de obra ou calquera outra obriga relacionada coa difusión pública e/ou de efectuar as comunicacións relacionadas nos apartados precedentes implicará a imposición de deducións graduadas do modo seguinte:

- O primeiro requirimento implicará unha advertencia.
- O segundo requirimento implicará unha dedución do 5 % da subvención concedida co obxecto de financiar o investimento.
- O terceiro requirimento supoñerá unha dedución do 10 % da subvención concedida para financiar o investimento, que se lle sumará á dedución anterior.
- O cuarto requirimento implicará unha dedución do 15 % da subvención concedida para financiar o investimento, que se acumulará ás anteriores.
- O quinto e sucesivos requirimentos implicarán deducións do 20 % da subvención concedida para financiar o investimento, que se sumarán ás anteriores, e que poderá dar lugar, de ser o caso, á perda total do dereito ao cobro da subvención concedida.

CUARTA.- COMPROMISOS DA MANCOMUNIDADE DO SALNÉS

A Mancomunidad do Salnés obrígase a:

- Acreditar a titularidade do inmovible onde se van a realizar as actuacións.



- Remitir á Deputación Provincial a documentación técnica pertinente e o correspondente proxecto de obra, asumindo o seu custo, e debendo remitila aprobada á Deputación, así como calquera modificación que se leve a cabo, para a súa posterior supervisión polos técnicos provinciais.
- Remitir a Deputación, unha vez formalizado, copia do contrato de adxudicación da obra, que deberá realizarse de acordo coa lexislación vixente en materia de contratación pública, e comunicar a data e hora en que terá lugar a comprobación de implantación, á que asistirá, de consideralo procedente, un representante da Deputación.
- Licitir, dirixir, executar, controlar e recibir as obras consonte ao correspondente proxecto técnico.
- Contratar, de selo caso, as asistencias técnicas á dirección de obra e coordinación de seguridade e saúde.
- Obter as correspondentes licenzas e tramitar ante outros organismos as autorizacións pertinentes que fosen precisas e, no seu caso, cumprir os requisitos e condicionantes das mesmas.
- Xustificar ante a Deputación o investimento realizado mediante a expedición das correspondentes certificacións de obra aprobadas polo órgano competente da Mancomunidad; aboándose para cada certificación que se presente a parte proporcional en relación ao custo total do investimento.
- Comunicar á Deputación **coa suficiente antelación, polo menos de catro días**, a data e mais a hora nas que terá lugar, ao remate das obras, o acto de recepción destas, ao que asistirá, de consideralo procedente, a Presidencia ou unha persoa representante ou facultativa desta.
- Levar a cabo o mantemento e conservación das infraestruturas obxecto deste convenio, tendo que asumir dita responsabilidade desde o día seguinte ao da formalización da acta de recepción das obras, coas obrigas establecidas na normativa patrimonial das administracións públicas.
- Aprobar o texto do convenio polo órgano competente da Mancomunidad e remitir unha copia do acordo á Deputación.
- Dar a adecuada publicidade a este convenio conforme a cláusula oitava do mesmo, de tal xeito de que quede constancia de que a obra obxecto do mesmo se levou a cabo en colaboración coa Deputación de Pontevedra.
- Compartir coa Deputación de Pontevedra toda a información da que dispoña sobre o avance da obra e sempre antes de facela pública.
- Destinar os fondos percibidos ao obxecto concreto para o que foron concedidos.
- Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.



- Prestar a colaboración e facilitar tanta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.

Asemade, a Mancomunidad do Salnés comprométese ao cumprimento das obrigas contidas na Lei 9/2007, do 13 de xuño, de subvencións de Galicia, e en especial as recollidas no artigo 11 da mesma.

Tamén seralle de aplicación o recollido na Lei 38/2003, de 17 de novembro, xeral de subvencións, e no seu Regulamento, aprobado polo Real decreto 887/2006, de 21 de xullo.

QUINTA.- COMPROMISOS DA DEPUTACIÓN DE PONTEVEDRA

A Deputación obrígase a:

- Financiar os custos derivados do convenio, ata a cantidade disposta na cláusula segunda, que será librada contra a presentación das correspondentes facturas ou documentos análogos acreditativos do gasto efectuado, así como da restante documentación xustificativa necesaria e logo da súa fiscalización pola Intervención provincial.
- Prestar a colaboración e facilitar tanta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas, en cumprimento do disposto no artigo 53 da Lei 40/2015, de Réxime Xurídico do Sector Público, e da Resolución Presidencial núm. 2017008767, de 8 de maio de 2017.

SEXTA.- XUSTIFICACIÓN E PAGAMENTO

Segundo o artigo 34.3 da Lei 38/2003 o pago da achega económica regulada neste convenio realizarase mediante transferencia bancaria unha vez que a Mancomunidad do Salnés xustifique axeitadamente a realización do proxecto para o que se concedeu a axuda, nos termos establecidos neste convenio e na normativa reguladora das subvencións públicas.

O tipo de xustificación será o de conta xustificativa con achega de xustificantes de gasto, debendo de presentar a seguinte documentación:

- Facturas rexistradas no punto xeral de entrada de facturas electrónicas da Administración Xeral do Estado (FACE) ou plataforma similar.
- Os acordos de aprobación das certificacións de obra e das facturas correspondentes.
- Certificacións de obra executada.

Xunto coa primeira certificación achegarase a seguinte documentación:

- O acordo ou resolución de aprobación do proxecto do investimento.
- O contrato de adxudicación da obra.
- O nomeamento do/a Director/a de obra e coordinador/a de seguridade e saúde.
- Unha copia da acta de comprobación de implantación.



- Unha proba gráfica da difusión dada ao investimento que se financia coa axuda da Deputación.
- Declaración do conxunto de axudas solicitadas, tanto as aprobadas ou concedidas como as pendentes de resolución, para o financiamento do obxecto deste convenio, das distintas administracións públicas competentes ou calquera dos seus organismos, entes ou sociedades.

Xunto coa última certificación ordinaria achegaranse:

- Informe final do/a Director/a de obra.
- Se o informe fin de obra recolle variacións que dean lugar a excesos de medición (liquidacións), este informe acompañarase da certificación final, da correspondente factura e da súa aprobación.
- De producirse a tramitación dun modificado, a certificación expedida pola persoa funcionaria competente de que a súa tramitación foi consonte a Lei de contratos.
- Acta de recepción.
- Proba gráfica da difusión dada ao investimento que se financia coa axuda da Deputación.
- Declaración do conxunto de axudas solicitadas, tanto as aprobadas ou concedidas como as pendentes de resolución, para o financiamento do obxecto deste convenio, das distintas administracións públicas competentes ou calquera dos seus organismos, entes ou sociedades.
- Declaración responsable de non estar o beneficiario incurso en ningunha das causas previstas no artigo 10.2 da LSG, para ser beneficiario desta axuda.
- Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.

A xustificación deberá de presentarse ante a Deputación de Pontevedra no prazo máximo de cinco meses dende o fin da actuación subvencionada. O prazo máximo para presentar a xustificación do investimento será o 31 de maio de 2028.

A Mancomunidad poderá realizar xustificacións parciais, que responderán ao ritmo de execución do investimento, que se aboarán pola contía equivalente á xustificación presentada. A documentación xustificativa verificarase polos servizos técnicos provinciais e fiscalizarase pola Intervención provincial antes de ser aprobadas e pagadas.

SÉTIMA.- COMPATIBILIDADE CON OUTRAS SUBVENCÍONS

Conforme ao disposto no artigo 65.3, letra c) do Regulamento da LXS, aprobado polo Real decreto 887/2006, do 21 de xullo, a achega económica prevista no presente instrumento, que ten carácter de subvención, será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.



Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actuación subvencionada.

OITAVA.- PUBLICIDADE

En toda a documentación e información relativas ao obxecto deste convenio incluírase a imaxe corporativa que a este fin faciliten, en todos os formatos, a Deputación Provincial de Pontevedra e a Mancomunidad do Salnés, e nelas figurará de maneira destacada o financiamento da actuación por ambas administracións.

En todo caso, as accións a desenvolver ao abeiro do convenio, deberán garantir un alto impacto e visibilidade da colaboración entre a Mancomunidad do Salnés e a Deputación Provincial de Pontevedra. A Mancomunidad deberá acreditar a publicidade, e indicar as accións de comunicación realizadas. Para isto, a Mancomunidad debe:

- Dende o inicio das obras ata a súa total terminación, deberán colocarse os carteis de obra cos logos do mesmo tamaño da Mancomunidad do Salnés e o da Deputación Provincial de Pontevedra, que se axustarán ao disposto no manual de identidade corporativa (<https://www.depo.gal/es/identidade-corporativa>).
- Facerse cargo, económica e fisicamente, dos carteis da obra que se realicen e da súa retirada tras a finalización do prazo de garantía ou, en todo caso, tras a comprobación material realizada pola Deputación. Os carteis colocaranse ao carón do acceso principal, nun lugar suficientemente visible.
- Aprobar conxuntamente coa Deputación de Pontevedra o contido de calquera outro cartel ou elemento informativo que conteña a imaxe corporativa ou institucional, independentemente do seu tamaño ou situación. A presenza de carteis ou sinais situados no ámbito da obra que conteñan imaxes ou logotipos institucionais deberá ser equitativa ao 50%, independentemente do seu tamaño ou lugar de colocación.
- Aplicar un criterio proporcional e equivalente á colaboración das entidades participantes en calquera placa ou elemento que se coloque para informar da execución da obra unha vez concluída esta.
- Darlle a adecuada publicidade ao financiamento por parte da Deputación de Pontevedra para as actuacións ou os gastos subvencionados sempre que se refiran a esta actuación, en calquera comparecencia pública, rolda de prensa ou intervención nos medios de comunicación, indicando sempre cal é o importe que achega cada institución e que porcentaxe representan os devanditos importes. Do mesmo xeito, esta información deberá recollerse en todos os comunicados ou notas de prensa que emita a Mancomunidad e na respectiva páxina web oficial da Mancomunidad do Salnés. A devandita información debe facerse pública de xeito verbal, por escrito ou por medios audiovisuais se fose o caso.
- Asinar de xeito dixital este convenio e, ademais, deberá acompañarse dun acto público de sinatura presencial con convocatoria aos medios de comunicación, garantindo así a necesaria publicidade do acordo. Esta firma presencial correrá a cargo dos máximos dirixentes de ambas institucións -presidente da Mancomunidad e presidente provincial-, que estarán acompañados dunha persoa representante da Mancomunidad do Salnés escollida libremente pola propia Mancomunidad e dunha



persoa representante da Deputación Provincial de Pontevedra escollida libremente pola propia Deputación.

- Facer constar en todas as accións de comunicación ou publicidade (carteis, folletos, programas, placas, cartas ou páxina web, entre outras) o apoio da Deputación. Isto farase mediante a inclusión da imaxe corporativa actualizada nun lugar visible.

Correspóndelle ao Servizo de Comunicación Institucional da Deputación dar as instrucións que se deben seguir no relativo á identidade corporativa provincial (<https://www.depo.gal/es/identidade-corporativa>).

En todo caso, a publicidade da colaboración entre a Deputación Provincial e a Mancomunidad do Salnés deberá realizarse conforme ao manual de identidade corporativa que se atope vixente e publicado na páxina web da Deputación no momento da aprobación do convenio, de tal forma que sirva como documento de referencia á hora de poñer en práctica todas as accións de publicidade e difusión que resultan obrigatorias conforme o actual marco normativo.

O incumprimento do deber de darlle publicidade á subvención concedida, tanto no relativo á colocación dos carteis de obra no momento da sinatura da acta de comprobación de implantación como a calquera outra obriga relacionada coa difusión pública, dará lugar á imposición das deducións que se establecen no pacto TERCEIRO e, no seu caso, á perda do dereito ao cobro da subvención concedida.

Por outra parte, en cumprimento do establecido na resolución de 15 de xuño de 2020, da Intervención Xeral da Administración do Estado, pola que se regula o proceso de rexistro e publicación de convocatorias no Sistema Nacional de Publicidade de Subvencións e Axudas Públicas e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento de cara a contribuír aos principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.

A falta de previsións concretas, rexerán con carácter supletorio as regras das bases reguladoras do Plan de Obras e Servizos de competencia municipal 2026-2027 (Plan + Provincia 2026-2027), especificamente as previstas para a Liña 1 de investimentos, por ser o Plan de natureza equivalente a este convenio.

NOVENA.- CONFIDENCIALIDADE E PROTECCIÓN DE DATOS

As partes comprométense ao intercambio de datos e información técnica para o cumprimento efectivo de todos os termos deste convenio coas garantías de confidencialidade que en cada caso se requiran e permanecerá exclusivamente no ámbito da relación das partes e do persoal técnico que colabore nas actividades, obrigándose a mantelo en réxime de confidencialidade por prazo indefinido e con independencia da duración do convenio.



Toda a información e documentación intercambiada no marco do convenio será propiedade das respectivas partes.

As actuacións obxecto deste convenio que impliquen o tratamento de datos de carácter persoal deberán respectar na súa integridade a normativa reguladora de protección de datos de carácter persoal.

DÉCIMA.- COMISIÓN DE SEGUIMIENTO

Para o seguimento e coordinación da execución deste convenio e resolución das dúbidas que poidan producirse na súa interpretación creárase unha comisión integrada por dous representantes de cada unha das Administracións asinantes, un dos cales terá carácter técnico.

As súas funcións, entre outras, serán as seguintes:

- A puntual recepción de información sobre tódalas actuacións que se produzan na execución dos contratos a que este convenio se refire.
- Impulsar e avaliar o cumprimento deste convenio propoñendo as actuacións que se consideren precisas.
- Propoñer a interpretación, no caso de dúbida, do seu contido.
- Se xorden controversias na aplicación do convenio, propoñerlles ás partes a súa resolución.
- A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das administracións asinantes.

A comisión reunirase cando o estime conveniente o seu responsable, por decisión propia ou a petición de calquera dos seus membros.

As súas reunións terán lugar no Pazo Provincial da Deputación. Na reunión constituínte da Comisión de Seguimento designarase ao/a seu/súa responsable e ao/á seu/súa secretario/a que levantará acta das súas reunións.

DÉCIMO PRIMEIRA.- VIXENCIA

O investimento obxecto deste convenio deberá estar executado e finalizado na data límite do 31 de decembro de 2027, fixándose un prazo de xustificación ata o 31 de maio de 2028.

No caso de imposibilidade de remate das obras ou xustificación nos prazos referidos, as partes poderán acordar a ampliación dos mesmos ata o 31 de decembro de 2028.

No caso de que a Mancomunidad execute o investimento subvencionado mais aló do prazo de execución establecido ou non xustifique en prazo o gasto realizado, iniciárase o procedemento de perda do dereito ao cobro, non podendo utilizarse o crédito sobranter para conceder outra subvención a Mancomunidad.



DÉCIMO SEGUNDA.- EXTINCIÓN E CAUSAS DE RESOLUCIÓN

De acordo co previsto no artigo 51 da Lei 40/2015, o convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- O transcurso do prazo máximo de vixencia do convenio.
- O acordo unánime dos asinantes.
- O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumpridora un requirimento para que, no prazo que se sinale, cumpra coas obrigas ou compromisos que se consideran incumplidos. Este requirimento será comunicado tamén ao responsable da Comisión de Seguimento. Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos danos e perdas causados.

- Por decisión xudicial declaratoria da nulidade do convenio.
- Por calquera outra causa distinta das anteriores prevista no convenio ou noutras leis.

DÉCIMO TERCEIRA.- RÉXIME XURÍDICO E XURISDICIÓN COMPETENTE

O presente convenio ten natureza administrativa e rexerase pola Lei 38/2003, de 17 de novembro, xeral de subvencións, e o Real decreto 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do Real decreto 887/2006; polos pactos que se conteñen neste convenio; polas Bases de execución dos orzamentos das Administracións asinantes; a Ordenanza xeral de subvencións da Deputación Provincial e polas restantes normas de dereito administrativo, e no seu defecto, as normas de dereito privado.

Así mesmo, a falta de entendemento previo pola Comisión de Seguimento, as partes quedan sometidas á xurisdición contencioso-administrativa na resolución de posibles controversias que puideran suscitar o incumprimento ou a interpretación do convenio.

E en proba de canto antecede, as partes que interveñen asinan o presente convenio na data da sinatura electrónica.

O presidente da Mancomunidad do Salnés, David José Castro Mougán

A secretaria da Mancomunidad do Salnés, Dolores Franco Mateo

O presidente da Deputación Provincial de Pontevedra, Luís López Diéguez

A vicesecretaria da Deputación Provincial de Pontevedra, María Beatriz del Cerro del Río

